

13-09-2017

Sepang: Pokok angsana yang menjadi ikonik Universiti Putra Malaysia (UPM) selain warna korporat dan nama institusi pendidikan tinggi itu menjadi hiasan pada satu daripada pesawat penerbangan tambang murah, AirAsia menerusi jalinan kerjasama kedua-dua pihak.

Reka bentuk dipaparkan pada pesawat Airbus 320 bermombor 9MAQD kelihatan di ruang udara pada 2 Ogos lalu yang dihasilkan Dekan Fakulti Rekabentuk dan Senibina (FRSB) UPM Prof Madya Dr Osman Mohd Tahir, pensyarah kanan Jabatan Rekabentuk Perindustrian Shahrul Azman Shahbudin dan pereka FR-SB Arizy Valentino Ramu.

Ketua Pegawai Eksekutif Kumpulan AirAsia Tan Sri Tony Fernandes berkata, idea UPM mengemukakan reka bentuk berkenaan tercetus daripada perbincangan pegawai peng-



IDRIS (tengah) pada majlis kerjasama strategik UPM-AirAsia di Sepang, semalam.

Ikon angsana UPM terbang ke angkasa

rusan UPM diketuai naib can-selornya pada 20 Jun lalu.

“Hiasan pada pesawat ini kekal namun kami merancang mengubahnya kepada konsep lain pada masa akan datang menerusi kerjasama antara AirAsia serta UPM.

“Saya rasa ini kali pertama di dunia (menggunakan motif hiasan universiti) dan untuk akan datang, boleh diletakkan misal-

nya gambar penuntut UPM atau program akademik universiti itu pada dinding di dalam pesawat,” katanya pada sidang media pelancaran UPM-AsiaAsia: Livery UPM di Sepang Aircraft Engineering Sdn Bhd, di sini, semalam.

Pelancarannya disempurnakan Menteri Pendidikan Tinggi Datuk Seri Idris Jusoh dan turut dihadiri Naib Canselor UPM Prof Datin Dr Aini Ideris.

Tony berkata, kerjasama yang terjalin antara pihaknya bersama UPM diteruskan pada masa akan datang sekali gus memartabatkan bidang pendidikan negara.

Malah, katanya, reka bentuk itu juga dapat memperkenalkan institusi pendidikan tinggi itu di rantau Asia memandangkan operasi pesawat berkenaan adalah untuk domestik dan negara Asia.